

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

**Rješenje po Prijavi koncentracije privrednih subjekata
"SHV Investments Ltd." Ujedinjeno Kraljevstvo i "Nutreco N.V." Kraljevina Holandija**

**Sarajevo,
juni 2015. godine**



Broj: 01-26-1-046-9-II/14
Sarajevo: 09.06.2015. godine

Na osnovu člana 25. stav (1) tačka e), člana 42. stav (1) tačka d), a u vezi sa članovima 12, 14, 15, 16. i 18. Zakona o konkurenciji ("Službeni glasnik BiH", br. 48/05, 76/07 i 80/09), rješavajući po Prijavi koncentracije privrednog subjekta "SHV Investments Ltd." Athena House, Athena Drive, Warwick, Warwickshire, Ujedinjeno Kraljevstvo, CV34 6RL, podnesenoj po advokatu Nihadu Sijerčiću, Trg djece Sarajeva br. 1, 71000 Sarajevo, Bosna i Hercegovina, zaprimljenoj dana 17.12.2014. godine pod brojem: 01-26-1-046-II/14, Konkurencijsko vijeće na 105. (stotinupetoj) sjednici održanoj dana 09.06.2015. godine, donijelo je

R J E Š E N J E

1. Ocjenjuje se dopuštenom koncentracija koja će nastati na relevantnom tržištu prodaje stočne hrane u Bosni i Hercegovini, sticanjem kontrole privrednog subjekta "SHV Investments Ltd." Athena House, Athena Drive, Warwick, Warwickshire, Ujedinjeno Kraljevstvo, CV34 6RL, nad privrednim subjektom "Nutreco N.V." Prins Frederiklaan 4, 3818 KC Amersfoort, Kraljevina Holandija, putem javne ponude za preuzimanje svih izdatih dionica.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u Službenom glasniku BiH, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 17.12.2014. godine, pod brojem: 01-26-1-046-II/14, zaprimilo Prijavu koncentracije (u daljem tekstu: Prijava) privrednog subjekta "SHV Investments Ltd." Athena House, Athena Drive, Warwick, Warwickshire, Ujedinjeno Kraljevstvo, CV34 6RL, ujedno i podnosioca Prijave (u daljem tekstu: Podnosilac prijave ili SHV), koga zastupa advokat Nihad Sijerčić, Trg djece Sarajeva br. 1, 71000 Sarajevo i drugog učesnika u koncentraciji, privrednog subjekta "Nutreco N.V." Prins Frederiklaan 4, 3818 KC Amersfoort, Kraljevina Holandija (u daljem tekstu: Nutreco).

Podnosilac prijave namjerava da putem javne ponude za preuzimanje svih izdatih akcija, stekne isključivu kontrolu nad privrednim subjektom Nutreco.

Postupajući po Prijavi, Konkurencijsko vijeće je utvrdilo da ista nije potpuna i da se treba dopuniti u skladu sa članom 30. Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon), što je Podnosilac prijave učinio podneskom broj: 01-26-1-046-2-II/14 od 05.01.2015. godine i podneskom broj: 01-26-1-046-4-II/14 od 30.01.2015. godine.

Po prijemu tražene dokumentacije Konkurencijsko vijeće je utvrdilo da je Prijava kompletna i podnesena u skladu sa članom 16. stav (2) Zakona, te je u skladu s tim dana 27.05.2015. godine pod brojem: 01-26-1-046-7-II/14, izdalo Potvrdu o prijemu kompletne i uredne Prijave.

Konkurencijsko vijeće je dana 27.05.2015. godine pod brojem: 01-26-1-046-5-II/14, u skladu sa članom 16. stav (4) Zakona, izdalo Obavještenje o dostavljenoj Prijavi i pozvalo sve zainteresovane strane da u roku od 7 dana, od dana objave u dnevnim novinama, dostave pisane komentare o namjeravanoj koncentraciji. Na predmetno obavještenje u datom roku nisu dostavljeni pisani komentari.

Prema navodima Podnosioca prijave, predmetna koncentracije se prijavljuje konkurencijskim tijelima sljedećih jurisdikcija: Brazil, Kanada, Kina, Egipat, EU/EFTA, Turska, Ukrajina, Rusija i SAD.

1. Učesnici koncentracije

Učesnici koncentracije su privredni subjekt SHV i privredni subjekt Nutreco.

1.1. SHV (Podnosilac prijave)

Privredni subjekt SHV, punim nazivom SHV Investments Ltd., sa sjedištem na adresi Athena House, Athena Drive, Warwick, Warwickshire, Ujedinjeno Kraljevstvo, CV34 6RL, prema izvodu iz registra privrednih društava Ujedinjenog Kraljevstva od 27.11.2014. godine, registrovan je u regulatoru za privredna društva Engleske i Velsa pod brojem: 09229699, kao privatno društvo sa ograničenom odgovornošću.

Vlasnik privrednog subjekta SHV sa 100% udjela je SHV Interholding AG, sa sjedištem u mjestu Chur, Švicarska, koji je preko povezanog društva SHV Nederland B.V. u posrednom 100% vlasništvu privrednog subjekta SHV Holdings N.V. sa sjedištem u mjestu Utrecht, Kraljevina Holandija, koji predstavlja holding kompaniju SHV grupe.

Privredni subjekt SHV je dio SHV grupacije privrednih društava. SHV grupa predstavlja konglomerat čije kompanije posluju u više sektora širom svijeta. Članice ove grupe aktivne su u oblastima distribucije energije, *cash-and-carry* veleprodaje, dizanja tereta i transportnih usluga, industrijskih usluga, istraživanja, razvoja i proizvodnje nafte i gasa i plasiranja kapitala. SHV grupa u BiH obavlja djelatnosti u vezi sa prodajom plina (i, u malom obimu, keksa i biskvita).

Povezano društvo u kojem privredni subjekt SHV ima 10% ili više udjela u osnovnom kapitalu, a koje je registrovano na području Bosne i Hercegovine je Liquivex d.o.o. Usora, Žabljak bb, Usora (u daljem tekstu: Liquivex), koje je registrovano kod Općinskog suda u Zenici rješenjem broj: 043-0-RegZ-14-002727 od 27.11.2014. godine, sa matičnim brojem upisa: 43-01-0206-09 (stari broj: 1-9292) i JIB brojem: 4218489210002.

Većinski vlasnik privrednog subjekta Liquivex sa 96,3352% osnivačkog udjela je privredni subjekt "LIQUIGAS" S.p.A. Brescia, Italija, dok je ostalih 3,6648% osnivačkog udjela u vlasništvu privrednog subjekta PRO-GAS d.o.o. Ljubuški.

Privredni subjekt SHV nema isključivu kontrolu nad privrednim subjektom Liquivex, već učestvuje u vršenju zajedničke kontrole nad tim društvom. Naime, privredni subjekt "LIQUIGAS" S.p.A. Brescia predstavlja društvo osnovano zajedničkim ulaganjem koje na tržištu posluje samostalno. Privredni subjekt SHV Holdings (preko kompanije Primagaz France) vlasnik je oko 70% udjela u "LIQUIGAS" S.p.A. Brescia, dok drugi partner u zajedničkom ulaganju posjeduje 50% glasačkih prava i pravo da imenuje polovinu članova upravnog odbora.

Privredni subjekt Liquivex obavlja različite djelatnosti u vezi sa plinom, uključujući prevoz i isporuku plina na adresu kupca, punjenje i dostavu plinskih boca, davanje plinskih spremnika pod najam, prodaju i distribuciju auto plina i nabavku plinske opreme za benzinske pumpe.

1.2. Nutreco (Ciljno društvo)

Privredni subjekt Nutreco, punim nazivom Nutreco N.V., sa sjedištem na adresi Prins Frederiklaan 4, 3818 KC Amersfoort, Holandija, registrovan je pri Holandskoj privrednoj komori pod registarskim brojem: 16074305, kao javno društvo sa ograničenom odgovornošću.

Vlasnička struktura privrednog subjekta Nutreco je slijedeća:

Tabela br.1

Dioničar	% dionica
SHV Holdings	26,30
ING Groep	9,97
APG Algemene Pensioen Groep	5,22
Fidelity Management and Research	4,76
Hengistbury Master Fund	3,72
DJE Investment	3,05
Nutreco N.V.	3,02
Norges Bank	2,87
Delta Lloyd	2,87
BNP Paribas Investment Partners	2,71
UBS Group	2,70
ING Fund Management	2,13
Ostali (pojedinačno ispod 1%)	30,68

Izvor: podaci iz Prijave (vlasnička struktura na dan 21.01.2015. godine)

Privredni subjekt Nutreco i privredna društva iz njegove grupacije proizvode, prodaju i vrše distribuciju širokog spektra proizvoda za ishranu životinja i to ribe, stoke, goveda, ovaca i drugih domaćih životinja. Svoje proizvode plasira proizvođačima hrane za životinje, integratorima, distributerima i poljoprivrednicima kao i kompanijama aktivnim u proizvodnji proizvoda za kućne ljubimce. S obzirom na razvijenu distributivnu mrežu, Nutreco svoje proizvode plasira širom svijeta, bilo putem lokalnih zavisnih društava ili putem prodaje nepovezanim lokalnim kompanijama.

Privredni subjekt Nutreco nije direktno prisutan u Bosni i Hercegovini i nema registrovanih povezanih društava u kojima ima 10% ili više udjela u osnovnom kapitalu ili 10% ili više prava glasa.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta ("Službeni glasnik BiH", br. 18/06 i 34/10) i Odluke o načinu podnošenja prijave i kriterijima za ocjenu koncentracija privrednih subjekata ("Službeni glasnik BiH", br. 34/10).

3. Pravni osnov i oblik koncentracije

Podnosilac prijave namjerava da nad privrednim subjektom Nutreco stekne kontrolu putem javne ponude za sve izdate dionice holding kompanije Nutreco. Podnosilac će transakciju finansirati putem gotovine iz sopstvenih resursa SHV grupe. Ukoliko javna ponuda uspije, SHV će steći isključivu kontrolu nad Nutrecom.

Pravni osnov koncentracije je javna ponuda izložena u dokumentu pod nazivom "Memorandum o ponudi" od 05.12.2014. godine, kojim je data preporučena gotovinska ponuda od strane privrednog subjekta SHV za sve emitovane obične akcije u opticaju, nominalne vrijednosti 0,12 EUR po akciji, u kapitalu privrednog društva Nutreco. Prema uslovima sadržanim u navedenom dokumentu, javna ponuda će biti otvorena od 10.12.2014. godine do 17.02.2015. godine, ukoliko se ovaj rok ne produži u skladu sa uslovima sadržanim u ponudi.

Pravni oblik koncentracije predstavlja sticanje kontrole jednog privrednog subjekta nad drugim privrednim subjektom, u smislu člana 12. stav (1) tačka (b) Zakona.

4. Relevantno tržište

Relevantno tržište koncentracije, u smislu člana 3. Zakona, te članova 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Učesnici u koncentraciji obavljaju različite djelatnosti, gdje nema horizontalnog preklapanja i vertikalnih odnosa, te se u skladu s tim relevantno tržište definiše u skladu sa djelatnosti ciljnog društva, a to je prodaja stočne hrane, dok je u geografskom smislu to teritorija Bosne i Hercegovine.

Shodno navedenom, kao relevantno tržište predmetne koncentracije određeno je tržište prodaje stočne hrane u Bosni i Hercegovini.

5. Analiza relevantnog tržišta

Procjena učešća učesnika u koncentraciji i glavnih konkurenata na relevantom tržištu prodaje stočne hrane u Bosni Hercegovini:

Tabela br.2

Naziv privrednog subjekta	Procjena tržišnog udjela (%)
SHV grupa	(..)** ¹
Nutreco	(..)**
Sano	(..)**
Hamburger Leistungsfütter	(..)**

¹ podaci predstavljaju poslovnu tajnu u smislu člana 38. Zakona o konkurenciji

Feedmix	(..)**
Brenntag	(..)**
Ostali	(..)**

Izvor: podaci iz Prijave

Privredni subjekti SHV grupa i Nutreco nisu aktivni na istom relevantnom tržištu proizvoda, ni u Bosni i Hercegovini, ni u svijetu. SHV grupa u BiH obavlja djelatnosti u vezi sa prodajom plina (u malom obimu keksa i biskvita), dok je Nutreco aktivan na tržištu prodaje stočne hrane. Također, učesnici u koncentraciji ne obavljaju djelatnosti na tržištima proizvoda koja bi bila ushodna ili nishodna u odnosu na neko od tržišta proizvoda na kojem je aktivan drugi učesnik, usljed čega predmetna koncentracija neće dovesti do horizontalnog i vertikalnog preklapanja između poslovnih aktivnosti učesnika u koncentraciji.

Iz podataka navedenih u Tabeli br.2 vidljivo je da privredni subjekt SHV grupa (..)** učešća na relevantnom tržištu, dok privredni subjekt Nutreco ima učešće od (..)** %. Nakon provođenja koncentracije njihov zajednički tržišni udio će iznositi (..)** %, što znači da namjeravanom koncentracijom neće doći do promjena na relevantnom tržištu.

6. Obaveza prijave koncentracije

U skladu sa članom 14. Zakona, analizirani su podaci iz Prijave radi utvrđivanja postojanja uslova za obavezu prijave koncentracije, a vezano za ukupan godišnji prihod učesnika koncentracije u godini koja je prethodila koncentraciji:

Tabela br.3

Ukupan prihod učesnika u koncentraciji ostvaren u 2013. godini			
Privredni subjekt	SHV	SHV grupa	Nutreco
Svijet	-	(..)** KM	(..)** KM
Bosna i Hercegovina	-	(..)** KM	(..)** KM

Izvor: podaci iz Prijave

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Prema podacima iz Tabele br.3, učesnici koncentracije u 2013. godini ostvarili su ukupan godišnji prihod koji podliježe obavezi prijave koncentracije.

Ukupan prihod koji je SHV grupa ostvarila u 2013. godini na području Bosne i Hercegovine, naveden u Tabeli br.3, obuhvata prihod povezanog društva privrednog subjekta Liquivex u iznosu od (..)** KM (ostvaren prodajom plina i pratećih usluga) i prihod povezanog društva privrednog subjekta Continental Bakeries Deutschland GmbH, Njemačka u iznosu od (..)** KM (ostvaren indirektno, prodajom biskvita i keksa jednom trgovačkom preduzeću u BiH).

Ukupan prihod koji je privredni subjekt Nutreco ostvario na području Bosne i Hercegovine, naveden u Tabeli br.3, obuhvata prihode koje su ostvarila slijedeća povezana društva: privredni subjekt Skretting Italia Spa, Italija u iznosu od (..)** KM, privredni subjekt Trouw Nutrition Hifeed BV, Holandija u

iznosu od (..)** KM i privredni subjekt Trouw Nutrition Deutschland GmbH, Njemačka u iznosu (..)** KM. Navedena privredna društva su svoje prihode ostvarili indirektno prodajom hrane za životinje preko distributera u Bosni i Hercegovini i to privrednog subjekta (..)** i privrednog subjekta (..)**.

7. Ocjena koncentracije

Konkurencijsko vijeće je utvrdilo da se u predmetnom slučaju radi o namjeri koncentracije privrednih subjekata koji nisu registrovani u Bosni i Hercegovini i čije djelovanje nema efekata na relevantno tržište.

U skladu sa navedenim, Konkurencijsko vijeće smatra da predmetna koncentracija neće sprječavati, ograničavati niti narušiti tržišnu konkurenciju na relevantnom tržištu, te je odlučilo kao u dispozitivu ovog Rješenja.

8. Administrativna taksa

Podnosilac prijave na ovo Rješenje, u skladu sa članom 2. Tarifni broj 107. stav (1) tačka d) pod 1) Odluke o visini administrativnih taksi u vezi s procesnim radnjama pred Konkurencijskim vijećem ("Službeni glasnik BiH", br. 30/06 i 18/11) dužan je platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednica

Maida Čampara